

Duruma - Ache Maandiko - Wives Scriptures

AEfeso 5:22-24 Mwi ache, mwimwi dziikeni ts'ini za alume enu dza vyo murivyo ts'ini za Bwana. 23 Maana, mulume ndiye chitswa cha muchewe, dza virat'u K'irisito arivyo ndiye chitswa cha mwiriwe, yaani kanisa; naye ndiye Mutivyi wa ro kanisa. 24 Ndo virat'u kanisa ririvyo ts'ini ya K'irisito, ache namwi dziikeni ts'ini za alume enu kwa chila neno.

AEfeso 5:31,33 Maana, Maandiko ga Mulungu ganaamba, "Gaga ndigo gatumago ta mulume achihwala, undaatelephuka avyazie, agwirikane na muchewe, na ao airi bee andakala dza kwamba ni mut'u mumwenga." 33 Elako, chila mumwenga ta mwimwi naamuhenze muchewe dza vyo adzihenzavyo ye mwenye, na chila muche naye namwishime mulumewe.

1 AKorintho 7:3-5 Mulume niamup'e muchewe hakiye, na muche naye niamup'e mulumewe hakiye. 4 Maana, mwiri wa muche, mwenye ni mulumewe ela ts'i ye mwenye tu, na mwiri wa mulume nao, mwenye ni ye muchewe ela ts'i ye mwenye tu. 5 Alume na ache, mwimwi ts'ilafyaneni chilolwa. Muchikala k'amundakala phamwenga, nimukale mudzihendaerekezana kwa chiwango tu kwa mudzilavye kuvoya. Muchimala gago, munaidima kuuya phenu chilolwani, kwa ta Shetani ats'ipate njira ya kumujezera kwa kuts'aidima kwenu kudzidinisa.

1 AKorintho 7:34 kwa vivyo una mairi gamuryago. Mwanamuche wa chijeso yet'se mulume, hebu ariye k'adzangwe kulala na mulume, utuwa wa kubagalikira kazi ya Bwana tu kwa ta adzilavire tsetsetse kwa Bwana. Ela muchet'u wa chijeso yehwalwa unabagalikira ta maneno ga dunia nago kwa amuhamye mulumewe.

AKolosai 3:18 Mwi ache, dziikeni ts'ini za alume enu, kwakukala, vivyo ndivyo ahenzavyo Bwana.

1 T'imoti 2:11-15 Ache afunzwapho kanisani, naadziike ts'ini kamare kwa kunyamala na kusirkisa t'ot'ot'o. 12 Mimi ts'iahenzezaache afunze hebu kwasagalira alume, its'iphokala,ache naakale at'u a kusikiza mafunzo t'ot'ot'o tu. 13 Maana, Adamu ndiye yeumbwa mwanzo, ndiphohawa achituwiriza. 14 Na hebu ts'i Adamu yelembwa ni Shetani, its'iphokala, ni ye muche ndiye yelembwa, na achiyivunza shariya ya Mulungu. 15 Ela ta vivyo, ye muche undativywa chiroho kwa kuvyalakwe, na ache osi andativywa achikala andaenderera kukala na kuluphiro, andakala na menzwa, andakala atakatifu, na akale na chihezo.

Mwandzo 3:16 - 1 P'etero 3:1-6 Mwi ache ohwalwa, mwimwi dziikeni ts'ini za alume enu, kwa ta o alume ario k'aadzangwe kogopha neno ra Mulungu, avuhiwe ni menenzi genu ta akuluphire Nguma Mbidzo. 2 Mwimwi muchikala na menenzi madzo na ishma, k'amundatsakula kwashuhudiya

alume enu kwakukala, o alume enu andavuhiwa ni gago. 3 Mwimwi ts'iikeni mbere maneno ga kumuhenda moneke adzo kuku konze dza kusongwa misongo ya gali-gali, kuvala miyo ya dahabu na nguwo za gali. 4 Its'iphokala, udzo wenu unahenzwa wanze moyoni, ambapho nimukale na roho mbidzo na muvumirire. Udzo uu ndio ots'opuka, na ndio wonewao una tende ni Mulungu. 5 Uo ndio udzo okala na ache atakatifu pho p'indi, ario ámukuluphira Mulungu, na achidziika ts'ini za alume ao. 6 Sara ni mumwenga wa ao ache okala anamukuluphira Mulungu, na yiye wádziika ts'ini za mulumewe Burahimu ta achikala umwiha ts'aweye. Ndo mwimwi namwi, hendani madzo na muts'ogofyerwe ni ut'u wowosi, na phapho mundakala dza yiye Sara.

Tito 2:1-5 Ela uwe Tito, a-aambire akuluphiri maneno garigo ganagwa sawa na mafunzo ga jeri dzulu ya kumukuluphira Jeso K'irisito. 2 Ndo a-aambire atumia akale na chihezo, akale at'u na ishma zao, akale arumwengu, akale na kuluphiro ra kudina, menzwa ya jeri, na avumiriri jeri. 3 Achet'u akomu nao, a-aambire asagale mazagazi garigo gandamuhamira Mulungu, ats'itsune, hebu ats'ikale anwadzi. Ao anahenzwa asagale mazagazi ga vivyo, kwa ta akale chelelezo cha kwafunza anjine kuhenda maneno madzo. 4 Na achihenda vivyo, andaabaza achet'u mvuka kwahenza alume ao, na ana ao, 5 aahende akale arumwengu, atakatifu, atsunzet'o maneno gao ga madzumbani, akale at'u adzo, na adziike ts'ini za alume ao, kwa ta neno ra Mulungu rits'idze rikaphurywa.

1 AKorintho 11:5-7,10 Na chila muche avoyaye hebu agombaye udzumbe wa Mulungu na kuno k'ana chiremba, unamuphurya mulumewe, maana, yiye ni kukala k'ana tafauti na muchet'u yenylwa chiphala. 6 Muchet'u achikala k'andadzifunga chiremba, naanyolwe chiphala. Ela kwakukala, muchet'u achinyolwa chiphala unagwirwa ni haya, ndo naafunge chiremba. 7 Mulumbe naats'izibinik'ize t'aji kwakukala, yiye Mulungu wámuumba dza vyo arivyo ye mwenye, kwa yiye amwishime ye Mulungu, na muche naadzifunge chiremba, kwa amwishime mulumewe. 10 Ndo muche achikala unavoya hebu unagomba udzumbe wa Mulungu, niadzifunge chiremba kwa dzulu ya malaika a Mulungu na kamare konyesa kukala, u ts'ini za mulumewe.

Mafumbo 12:4; 14:1; 19:13; 21:9,19; 25:24; & 27:15,16 - contentious & angry Ache

Mafumbo 31:10-31 - The Virtuous Ache